

آبونه شماره : هریر ایچون
سنه لکی (۴۰۰) آلتی ایلمی
(۲۲۵) ممالک اجنیه ایچون
سنه لکی (۴۵۰) ، آلتی آیلنی
(۲۵۰) غروشدور.

نسخه سی ۷،۵ غروشدور .
سنه لکی ۵۲ عدددر .

اداره خانه : باب عالی جاده سنده
رشید افندی خاندنه


اخطارات
آبونه بدلی پشیندر .

مسلمه موافق آثار مع المنونیه
قبول اولنور . درج ایلمه یین
یازیلر اعاده اولتماز .

والله یهدی من یشاء الی صراط مستقیم

باش محرر
محمد ماکف

صاحب و مدر
اشرف ادیب



آدوس تبدیلیله ایریجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنیه دن آبونه
اولانلرک آدرس لرینک
فرانسجه یازلسی رجا اولنور .

پاره کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل الرشاد

عدد ۶۳۹

۲۵ رجب ۱۳۴۳

بخشینه

۱۹ شباط ۱۳۴۱

جلد ۲۵

کل اولان شریک و نظیردن ، مقابل و منازعدن منزہ وہ علی کل شیء قدیر ، بولنان حق تعالیٰ دن باشقہ بر معبود بولسون .

ایستہ یورکہ او محبت دیدیکی زمان، اصلی اولیان بر محبت مویله مش اولسون . ایستہ یورکہ ، حق دینان قدرت مطلقہ ظالمک ، شریر لک ، عدالتہ جزاسنی و یرمکہ مقتدر اولہ ماسون دہ عجزہ مظلومین ایله برابر آغلاسون طورسون ، ایستہ یورکہ بفضلہ ، خصومتلر ، نفاقلر ، حاصلی شیطانک سودیکی بتون سیئات عواملی ، قدرت حقہ غالب اولسون دہ کندیسی دولت حقک خارجندہ و اونلرک معیتندہ اجرای احکام ایتسون . شہہ یوق کہ حق ، حاکم کل ، خالق کل ، قادر کل اولیان بر معبود بخیل ، خالق محبت اولہ مہ جفی کبی موضوع محبت دہ اولہ ماز . چونکہ اونک خلق ایدہ جکی محبتی ، قارشوسندہ کی ضد قادر در حال امحایدہ جک . اونک دہ یأس و عجزندن آغلاہ آغلاہ کوزی چیقاجقدر . آم بوشریٹک نہ قدر بیولک جہالت و ضلالتی وار کہ اک کوچوک برایشنی بر عاجزہ تودیع ایتک ایستہ من ، صوکرہ دوزر اولہ بر عاجزی معبود اعلار ایله مکہ قالقار . ضرب کتب فلسفیہ سی مبادی اخلاقیہ دن بحث ایدرکن خریستیانلرک ، مبحث اخلاقہ ایمانی بر عنصر اولارق ادخال ایتدیکندن بحث ایدیورلر . بزده شونی اخطار ایدہ لم کہ دین اسلام دہ او ایمانک ایمان حق اولمسی لزومی او کرتمش . وحقہ ایمان ایدلکجہ ، خیر اعلایہ و سعادت قصوایہ وصول ممکن اولمیدیغی کوسترمشدر . چونکہ حقک حمایہ سندہ اولیان ہر شی ہیچدر ، خیری بندہ طونان آنجق قادر کل اولان حق تعالیٰ در ، واللہ آنجق اودر ، بتون کائناتدہ حکم و تصرفی مستقلاً جاری اولان مالک الملک اودر ، دیلدیکنہ ملکی و یرن ، دیلدیکندن ملکی نزع ایدن دیلدیکنی اعزاز ، دیلدیکنی تذلیل ایدن و بتون خیرالندہ بولنان و ہر درلو شائبہ عجزدن مبرا اولہرق ، علی کل شیء قدیر ، اولان آنجق اودر . کیجہ بی کوندوزہ ، کوندوزی کیجہ یہ وصل ایدن ، تولودن دیری ، دیریدن تولو چیقاران ، دیلدیکنی حسابسز مرزوق ایدن اودر ، خیر ؛ اونک خیر دیدیکی ، شر ؛ اونک شر دیدیکیدر . سوبلہ جک اولان آنجق اودر ، عبادت ایدیلہ جک اولان آنجق اودر ، ماسواسی ہدردر . خیر و محبتہ طلبکار اولمق ایستہ یئر اول امر دہ اوکا ایمان ایتلی و اونی سوملیدرلر کہ محبتلری حق ، مطلوبلری متحقق اولہ بیلسون . قل اللہم مالک الملک

مبارک معراج کیجہ سی

علیہ الصلاۃ والسلام اقدم منک سماواتی ، سرائر افلاکی ، حقایق علویہ بی (سبحان الذی اسری بعبدہ) نظم جلیلندہ اشارت بویورولان امر صمدانی ایله مشاہدہ ولدنیات عواملی کونا کون تجلیاتیلہ کشف و تبلیغ

بویوردقلری لیلہ مبارکہ بی یارین آقشام عامہ موحدین سعادت و حضور وجدانی و ذوق معنوی ایله ادراک و انتطاف ایتمش بولونا جقدر .

معراج ، حیات اجتماعیہ نک قدسی ، علوی ، حقیقی بر نقطہ انکشافیدر . چونکہ نماز مسلمانلرہ بو کیجہ دہ فرض قیلندی . فضیلتی جماعتلہ مقید و خلوص نامیہ وابستہ بولونان نمازک حیات اجتماعیہ ایچون نمونہ فضیلت اولہرق اوائہ و اشہاد ایلدیکی وحدت حسیہ و وحدت حرکاتک بالکثر باشنہ رها کار بر دستور سیاست و علویت اولدینی نہ قدر آشکاردر . نماز ، اتفاسق و اتحادک قیمتی ، نفاق و شقاقک ذات و خبیثی فعلاً اظہار و اعلام ایدن بر واسطہ نجات ، تقرب الی اللہ موصل بر شہراہ سعادتدر .

مسلمانلرک نماز و جماعتلہ مکلفیتی عینی زماندہ حیات اجتماعیہ لرندہ فیاض بر انقلابک روحی تأسیس ایتشددر . بواساس انسانلرہ حضور وحدانیتدہ برامل ، برغایہ ، بر مفکورہ ایچون آرالرنده فقیر ، زنکین ، چوجوق ، اختیار ، عالم ، جاہل فرقی اولمقسزین تام بر مساوات و کامل براخوت ایچندہ رضای الہیہی برای احراز سجده ایدن باشلرک مصالح ذاتیہ و عمومیہ لرندہ دہ مساوات و اخوت دائرہ سندہ یکو وجود اولمغہ محتاج اولدقلری او کرندی . بوامر جلیل ارباب عقولہ کوستردی کہ ، جناب ارحم الراحمینہ عرض عبودیت قصدیلہ معین زمانلردہ بر انتظام و حضور تام ایچندہ جامعلردہ برلشن انسانلرک مادہ و معنأ مسعود و مرفہ اولملری ایچون حیات فردیہ و اجتماعیہ لرندہ دہ انتظام افعالہ ، مراقبہ اجتماعیہ ، حدود و شروط اجتماعیہ نک محافظہ سنہ دائماً مجبوریتلری واردر . کائناتدہ وحدت ازلیہ دن ، رحمت الہیہ دن باشقہ ہر شئیک بر حدودی موجوددر . بو حدود و شروط تجاوز ایدیا برسہ نظام و آہنک عمومی و بالنتیجہ حضور و رفاء بشریت محو اولور .

معراج ، ملت اسلامیہ نک رؤیت محاسن و دخول جنتدہ اہم سالفیہ تقدمنی مبشرددر . بوتبشیرک عین زماندہ الی یوم القیام قوت و قدرتی محافظہ ایتمش مشیت سبحانیہ اقتضاسندن اولان دین جلیل اسلامک ہر مفکورہ یہ ، ہر تکملہ تفوقی تحکیم و تأیید ایلکدہ در .

آخرندہ بوتون امتلرہ تقدم ایدہ جک اولان ملت اسلامیہ دنیا دہ ہر فضیلتہ ، ترقیہ ، کالاتہ البتہ حاکم بولونا جقدر . نتہ کم عصر لر جہان معرفتک یگانہ عنصر جوانی مسلمانلر تشکیل ایتمش و فضیلتلہ مدنیق ادامہ ایتدیرمشلرددر . مدنیت حقیقیہ نک عالم انسانیتی رها کار نوریلہ ضیالاندیردینی دورلر آنجق اسلامیتک صافیت اصلیلہ ہر ساحدہ نشر عرفان ایتدیکی زمانلردی . ظلمت و جہالت ایچندہ بونالان انسانیت ؛ حریت ، مساوات ، عدالت عمدہ لرینی ام الکتابدن تعلم ایتمش ، روح بشریت غدا ی معنویسنی ، احتیاجات وجدانیہ سننی کتاب اللہدن اخذ ایتمش و ایتکدہ بولونمشدر .

مدنیت حاضرہ نك « دہ موقراسی » كہ سبلہ ماہیت ومنشائی تبدیل واخفا ابتدائی ظن ابتدائی اساسلر دساتیر اسلامیہ دن پك تاتمام اوله رق آلمش مفكوره لردن عبارتدر . حریت ، مساوات ، عدالت مفهوملرینك منبعی حقوق بشر بیاننامہ سنده آرایانلرك سوء تلقیلرینی قرآن کریم اك جانلی ادله ایله تكذیب ایتكده در .

حالبوكه ضربك « دہ موقراسی » دستوری حقیقتده كاغد اوزرنده قالدینی حالده اسلامیت روحنده فعلاً عصرلرجه حكمران اولمشدر . مادیات ، علوم وفنون آله اساسلرینك وضع وتدوینی پك خودپسند وحققاشناس اولان ضرب هیئت اجتماعیہ سنجه كندیلرینه عائد برشرف كی كوستلر كده در . فقط « ولارطب ولا یابس الا فی كتاب مبین » تأیید السبیلہ فرقان جلیل هپسك منبع ومصدر ازیلسیدر . قرآنك فلكیاته ، حكمت ، اجتماعیاته ، علم الروحیه ، تربیه یه ... الخ عائد فصوص مینفہسی برده غفلتله قیلری قرارماش اولانلرایچون کافی ووافی بر دلیلدر . اساساً بوصله ، طیاره ، علم مساحه ، كیمیای تحلیلی ، تفصیلی صددمن خارجنده قالان برچوق كشفیات آله نك ، علوم مثبتہ نك انكشافی دوعریدن دوعری یه مسلمانلره عائد شرفلردندر . چونكه مسلمانلر بشیكدن مزاده قدر - چینده بیله اولسه - آرایوب بوله رق علمی تحصیل ایله مكلفدرلر . چونكه ، مسلمانلرك حیاتی دائمی بر سمدیدر . « لیس للانسان الا ماسی » امر صمدانیسی مسلمانلرك دستور حیاتیدر . بو اساسلره لایق اولدقلى درجه ده عطف اهمیت ایدن مسلمانلر بحوق شرف اسلامی اعلایه ، مدنیق ترصینه ، رفاہ بشری تأمینہ موفوق اولدیلر . حالبوكه یكن صوك عصرلرظرفنده اسلام مدنیتلرینك یریرانقراضی ، مسلمان حاكیتلرینك اندراسی ، مسلمان یوردلرینك اجنیلر طرفدن استیلاسی كی بارز تدنی علاماتی مشهود اولمقده در . ضرب طالی بوكیفیق اسلامیت تشكلك - حاشا - ابتدائیلكنه ، قیمتسزلكنه عطف ایدیبور ومع لتأسف هیئت اجتماعیہ من آراسنده ده بوقاعت سخیفه اشتراك ایدنلر كورولوبور .

فقط ، حقیقت حال بوس بوتون باشقه بر شكده در . اسلام مدنیتلرینك ، اسلام حاكیتلرینك انقراضه دین اسلام دكل ، بالعكس اسلامیت اساسات ودساتیرنه تمامیلہ مغایر بر صورتده تظاهر ایدن سقوط معنوی واخلاقی سبب اولمشدر . بومعارفہ نك - اكر بهمہ حال اثباتی لازم كلیورسه - اك بیوك شاهدی ، دلیلی تاریخدر . مدنیت اسلامیہ نك ، عالم وعرفانك ، ثروتك ، قوتك اك زیاده نازل انكشاف اولدینی زمانلره دائما هیئت اجتماعیہ اسلامیہ نك بتون معناسیلہ ، روح وشمولیلہ دیندار وخلق اولدینی وقلره مصادفدر . ینه تاریخ نه زمان براسلام دیارینك ، برمسلمان ملتك ادباروفلاكتی قید ایتدی ایسه بهمہ حال دین واخلاقدن وبالنتیجه یالكنز آنك شرائط استكمالیدن اك مهمی اولان سبجایای اسلامیہ دن انحراف ایدلسی بوباید یكانه عامل ومؤثر اولمشدر .

فی الحقیقه ملتلی یشاتان نه قوای مادیه ونه ده ثروت اولیوب بو وسائطك منبع اصلسی ومنشأ اساسی اولان دین واخلاقدن . بوكون ضرب مدنیتی - كال ظاهریسنه رغماً - اندارس وانفساحه محكوم بولوندیران سبب ، سقوط معنوی واخلاقدن بشقه بر شی دكلدر . ضرب طالی تهدید ایدن بویاقین تهلکی بوتون ضرب مشاهیر متفكرینی یكنزبان اوله رق تکرار ایتكده درلر . كیتدكجه فضیلتلرك قیمتی بوتون دنیاچه آكلاشیلمغه ، حقایق اسلامیہ انطالق حق اوله رق تجلی یه باشلامشدر . بونتیجه قارشوسنده مرضی وتقلیدی بر شكده هیئت اجتماعیہ من حریمه داخل اولان ضرب مساویات وفضایحك ممیزات اجتماعیہ ورضانت اخلاقیه مزى ناصل مرحمتسز بر صولتله احما وتخریبه چالیشدیغنی وقسماده موفوق اولدیغنی دوشونلرك بویوك بر عذاب حس ایتمه نك امكانی یوقدر . ذوق وسفاहतك هر كون بر آرز دها بنیان اخلاقی واجتماعیمزی كیردیكی ، ثروت ملیه یی بلع وافقا ابتدائی ، عزیم واراده یی كهوشه تدیكی ، تساد اجتماعی رابطه لرینی جوزمكه باشلادینی ونه ایت معنوی ساحه ده مظالم بر بوشلق حصوله كتیردیكی محققدر . بو حقیقت مواجهه سنده هیئت اجتماعیه مركز دینی واخلاقی قیمتنی یوكسه لتمك حیاتی بر ضرورت طالی آلمشدر . كون یكدكجه دها قطعیتله دیولاجق وحس ایدیله جك اولان بواحتیاجك تطمینی اعتلای اجتماعی وكال اخلاقیه مركز یكانه چاره سیدر . یوقسه فوضویت اجتماعیه نك ، تردیات اخلاقیه نك نتایج وخیمه سنی معاذاه ادراك ایتش اولورز .

ایشته معراج بوتون حقایق علویه یی اظهار ایدمرك هیئت اجتماعیہ اسلامیہ نك تكاملنده ناصل بر رهبر اساس اولدیه بوكونده سعادت ورفاهه نائلیتله یوكسك بر تكملی ، یوكسك بر عرفان ، یوكسك بر مدنیتة بائلیت صورتیلره رها مزی عین روحدن ملهم اوله رق تأمین ایدم بیلیرز . بولیله مباركه حرمتنه مسلمانلره نورانور بر افق سعادت وسرمدینك انكشافی جناب واهب المعطایان نیاز واسترحام ایلرز .

مسلمانلره دوغرو

۲

کتاب منزل

کتاب الالهك هدفی ، فکر بشرك ملكات مختلفه سنی ایشله تمكدر . چونكه دین ، مسائل آتیہ حقنده بزى تنویر ایدر :

- ۱ - قابلیات وقوای بشریه ،
- ۲ - بونلرك کیفیت استعمالی ،
- ۳ - بوهدفی تحقق ایتدیرمك یولنده انسانك اللهه قارشى ایفا ایدم جکی وظائف ،